

SKEDË INFORMUESE

Thirrjen e hapur për bashkitë për projekte që mbështesin ngritjen e kapaciteteve në fushën e sportit nën Programin Erasmus+

Thirrja për projekte “Ngritja e Kapaciteteve në Fushën e Sportit” nën Programin e BE-së Erasmus+ synon të mbështesë organizatat sportive dhe politikat e sportit në vendet e treta jo të asociuara me Programin, për të promovuar vlera shoqërore dhe edukative përmes sportit, duke kontribuar në zhvillimin personal dhe social të individëve dhe komuniteteve më kohezive. Projektet në këtë thirrje janë projekte bashkëpunimi ndërkombëtar të bazuara në partneritete shumëpalëshe ndërmjet entiteteve aktive në fushën e sportit mes Shteteve të Programit (Shtetet e BE-së dhe shtetet anëtarë të Shoqatës Evropiane të Tregtisë së Lirë (EFTA) Norvegjia, Islanda, Lihtenshtajni dhe shtetet kandidatë potencialë: Maqedonia e Veriut, Republika e Turqisë dhe Republika e Serbisë) dhe shteteve në vendet e treta jo të asociuara me Programin në Rajonin 1 (Ballkani Perëndimor, ku bën pjesë Shqipëria) dhe Rajonin 2 (Fqinjësia Lindore).

Synimi i thirrjes:

Të mbështesë organizatat sportive dhe politikat e sportit në vendet e treta jo të asociuara me Programin, për të promovuar vlera shoqërore dhe edukative përmes sportit, duke kontribuar në zhvillimin personal dhe social të individëve dhe komuniteteve më kohezive.

Objektivat dhe fushat e ndërhyrjes:

- ngritja e kapaciteteve të organizatave sportive bazë;
- nxitja e ushtrimit të sportit dhe aktivitetit fizik në vendet e treta që nuk janë të lidhura me Programin;
- promovimi i përfshirjes sociale përmes sportit;
- promovimi i vlerave pozitive përmes sportit (si fair play, toleranca, shpirti i ekipit);
- nxitja e bashkëpunimit në rajone të ndryshme të botës përmes iniciativave të përbashkëta.

Fushat tematike / Objektivat specifike:

- promovimi i vlerave të përbashkëta, mosdiskriminimi dhe barazia gjinore përmes sportit;
- zhvillimi i aftësive (përmes sportit) të nevojshme për të përmirësuar përfshirjen sociale të grupeve të pafavorizuara (p.sh. pavarësia, lidërsipi etj.);
- integrimi i migrantëve;
- pajtimi pas konfliktit.

Rezultatet e pritura:

Projektet duhet të demonstrojnë ndikimin e tyre të pritshëm duke:

- rritur pjesëmarrjen dhe kapacitetin e organizatave sportive;
- rritja e pjesëmarrjes së grave në sport dhe aktivitete fizike;
- përmirësimi i përfshirjes sociale të grupeve të pafavorizuara;
- përmirësimi i kapaciteteve të sektorit të sportit për të punuar në mënyrë transnacionale me kujdes për gjithëpërfshirjen, solidaritetin dhe qëndrueshmërinë;
- promovimin dhe kontributin në mësimin dhe bashkëpunimin transnacional ndërmjet sportistëve dhe vendimmarrësve, veçanërisht në vendet e treta të pranueshme që nuk janë të lidhura me Programin;
- shpërndarjen e rezultateve të tyre në mënyrë efektive dhe tërheqëse midis sportistëve të përfshirë në organizatat sportive.

Aktivitetet e pranueshme:

Aktivitetet e propozuara duhet të lidhen drejtpërdrejt me objektivat e përgjithshme dhe specifike të veprimit, d.m.th. duhet të korrespondojnë me një ose më shumë nga fushat tematike të listuara më sipër dhe duhet të detajohen në një përshkrim projekti që mbulon të gjithë periudhën e zbatimit. Në kontekstin e këtij veprimi ndërkombëtar, aktivitetet e projektit duhet të fokusohen në ndërtimin dhe forcimin e kapaciteteve të organizatave sportive dhe kryesisht në vendet që nuk janë të lidhura me Programin nga Rajoni 1 ose nga Rajoni 2. Projektet e financuara do të jenë në gjendje të integrojnë një gamë të gjerë bashkëpunimi, shkëmbimi, komunikimi dhe aktiviteteve të tjera, duke përfshirë, për shembull:

- krijimin dhe zhvillimin e rrjeteve ndërmjet organizatave/vendeve/rajoneve;
- zhvillimin dhe zbatimin e shkëmbimit të praktikave/ideve më të mira;
- zbatimin e aktiviteteve të përbashkëta sportive dhe ngjarjeve anësore edukative;
- lançimi, testimi, ndarja dhe zbatimi i formave të reja të metodave, mjeteve, praktikave dhe materialeve të të mësuarit joformal nëpërmjet trajnimit praktik dhe lëvizshmërisë së stafit sportiv;
- ndërgjegjësimi për çështjet e diskriminimit të grupeve të pafavorizuara në sport;
- mbështetjen e ndërtimit të një shoqërie civile të angazhuar dhe aktive.

Kush mund të aplikojë dhe çfarë konsorciumi pranohet:

Aplikantët (përfituesit dhe subjektet e lidhura, nëse do të ketë) duhet të jenë:

- entitete juridike (organet publike ose private)
- entitete që janë aktive në fushën e sportit
- të jenë të themeluara ligjërisht në një Shtet Anëtar të BE-së ose në një vend të tretë të lidhur me Programin ose në një vend të tretë që nuk është i lidhur me Programin nga Rajoni 1 (Ballkani Perëndimor) ose Rajoni 2 (Fqinjësia Lindore).

Koordinatori i konsorciumit duhet të jetë një organizatë jofitimprurëse. Organizata të tilla, për shembull, mund të jenë:

- një organ publik përgjegjës për sportin në nivel lokal, rajonal ose kombëtar;
- një organizatë sportive në nivel lokal, rajonal, kombëtar, evropian ose ndërkombëtar;

- Komiteti Olimpik Kombëtar ose Konfederata Kombëtare e Sporteve;
- një organizatë që përfaqëson lëvizjen 'sport për të gjithë';
- një organizatë aktive në fushën e promovimit të aktivitetit fizik;
- një organizatë që përfaqëson sektorin aktiv të kohës së lirë.

Konsorciumi:

Projektet e Ngritjes së Kapaciteteve janë transnacionale dhe përfshijnë të **paktën 4 entitete nga të paktën 3 shtete** dhe respektojnë kushtet e mëposhtme.

- **Minimumi 1 dhe maksimumi 2 entitete nga Shtetet Anëtare të BE-së ose vende të treta të lidhura me Programin.** Nëse përfshihen 2 entitete, ato nuk mund të jenë nga i njëjti Shtet Anëtar i BE-së ose vend i tretë i lidhur me Programin.

- Një minimum prej **2 entitetesh** nga të paktën **1 shtet** i tretë i kualifikuar që nuk janë të lidhur në Program nga **Rajoni 1** (Ballkani Perëndimor) ose **Rajoni 2** (Fqinjësia Lindore). Entitetet nga Rajoni 1 dhe Rajoni 2 nuk mund të marrin pjesë në të njëjtin propozim (p.sh. partneritetet që përfshijnë Rajonin 1 dhe Rajonin 2 nuk janë të pranueshme).

Numri i entiteteve nga shtetet anëtare të BE-së dhe vendet e treta të lidhura me Programin nuk mund të jenë më shumë se numri i entiteteve nga vendet e treta që nuk janë të lidhura me Programin. Subjektet e lidhura dhe partnerët e lidhur nuk llogariten për përbërjen e konsorciumit.

Vendi i aktiviteteve:

Veprimtaria e projekteve duhet të zhvillohet në vendet e organizatave pjesëmarrëse në aktivitet, me përjashtim të rasteve të justifikuara siç duhet që lidhen me objektivat e aksionit. Për më tepër:

- aktivitetet mund të zhvillohen edhe në selinë e një institucioni të Bashkimit Evropian, edhe nëse në projekt nuk ka organizata pjesëmarrëse nga vendi që pret Institucionin;

- Aktivitetet që përfshijnë ndarjen dhe promovimin e rezultateve mund të zhvillohen gjithashtu në evente/konferenca tematike ndërkombëtare në Shtetet Anëtare të BE-së ose vende të treta të lidhura me Programin ose vende të treta që nuk janë të lidhura me Programin.

Kohëzgjatja e projekteve:

Projektet normalisht duhet të zgjasin nga 12 deri në 36 muaj (zgjatjet janë të mundshme, nëse justifikohen siç duhet).

Buxheti:

- Buxheti total i thirrjes është **2.440.000 Euro**.
- Buxheti për projekt: Projektet në Rajonin 1 mund të përfitojnë një grant nga Bashkimi Evropian në vlerën nga **100 000** deri në **200 000** euro për projekt.

Financimi është sipas modelit lump-sum. Shuma e kontributit të një shume të veçantë do të përcaktohet për çdo grant bazuar në buxhetin e parashikuar të veprimit të propozuar nga aplikanti. Autoriteti do të caktojë shumën lump sum të çdo granti bazuar në propozimin, rezultatin e vlerësimit, normat e financimit dhe shumën maksimale të grantit të përcaktuar në thirrje.

Si bëhet aplikimi:

Aplikimet dërgohen përmes sistemit të BE-së Funding and Tenders. Anekset që duhet të plotësohen dhe vendosen në sistem janë:

- Application Form Part A që plotësohet online
- Application Form Part B (Paketa e Application Form dhe Buxhetit) që shkarkohet, plotësohet dhe ngarkohet online
- Part C që plotësohet online

Kur është afati i fundit:

- Afati i fundit: **05 Mars 2025 17:00:00 ora e Brukselit**

Linku i thirrjes:

<https://ec.europa.eu/info/funding-tenders/opportunities/portal/screen/opportunities/topic-details/ERASMUS-SPORT-2026-CB>

Nëse keni nevojë për më shumë informacion ose ndihmë shtesë mbi këtë thirrje, na njoftoni!